

Transkript sa konferencije za medije međunarodnih organizacija

OHR, Oleg Milišić
EUFOR, Nicholas Foster

OHR

Visoki predstavnik i specijalni predstavnik EU u Berlinu

Visoki predstavnik i specijalni predstavnik EU, Christian Schwarz-Schilling, danas, drugog dana dvodnevne posjete Njemačkoj, boravi u posjeti Berlinu, prije sastanka političkih direktora Upravnog odbora Vijeća za implementaciju mira, koji će se održati ove sedmice.

U prvoj polovini 2007. godine Njemačka će predsjedavati Evropskom unijom. Ovaj šestomjesečni period će biti posebno značajan jer je to posljednjih šest mjeseci postojanja Ureda visokog predstavnika, tokom kojih će biti ojačano prisustvo specijalnog predstavnika EU u Bosni i Hercegovini.

Visoki predstavnik i specijalni predstavnik EU će se danas popodne sastati sa Norbertom Lammertom, predsjedavajućim Njemačkog parlamenta i razgovarat će o mogućnostima uspostavljanja bilateralne parlamentarne prijateljske grupe koja će se sastojati od parlamentaraca iz Bosne i Hercegovina i Njemačke. Takva prijateljska grupa je već osnovana sa njemačkim parlamentarcima i parlamentarcima iz zemalja jugoistočne Evrope, ali ne konkretno i sa Bosnom i Hercegovinom.

Christian Schwarz-Schilling se jučer susreo sa zvaničnicima Ministarstva vanjskih poslova i Ureda kancelara, uključujući

Christopha Heusgena, višeg savjetnika za vanjsku politiku kancelarke Angele Merkel i Emily Haber, diplomatu koja je zadužena za odnose sa jugoistočnom Evropom.

Visoki predstavnik i specijalni predstavnik EU je izvjestio o rezultatu izbora održanih 1. oktobra u Bosni i Hercegovini, pomacima u osnivanju koalicija i izgledima za ispunjenje uslova za Sporazum o stabilizaciji i pridruživanju. On je naglasio potrebu da se sada nakon provedenih izbora ponovo aktuelizira reformski proces, posebno reforma policije i ustavna reforma.

Njemački dužnosnici izrazili su podršku tranzicijskoj politici g. Schwarz-Schillinga i pozdravili napore na jačanju prisustva specijalnog predstavnika EU u Bosni i Hercegovini.

EUFOR

Translation is not available at the moment.